



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na alumnonan di Colegio Arubano y nan
Mayor (nan)/cuidado (nan)

Oranjestad, 15 di december 2023

COLAUA: 2023/2024-090

Topico: Rooster di CP3/SE2 y otro anuncianan

Apresiasi mayor(nan)/cuidado(nan), alumnonan,

Despues di vakantie di Pasco e periodo di CP3/SE2 ta cuminsa. Esaki ta tuma lugar riba **diaranson 17 te cu diaranson 24 di januari 2024**. Adhunto e rooster di CP/SE, mira anexo 1 y 2. Tambe ta haya e rooster aki riba e website <http://colegioarubano.aw>. Pa contenido di e CP mi ta conseha pa consulta e PLTnan, cu tambe ta riba e website, via bit.ly/PLTs23-24. E contenido di SE ta den e buki di SE, di cual e alumnonan a haya via mail y naturalmente tambe ta riba e website.

Puntonan di atencion durante CP/SE

- E intencion ta cu despues di CP tur alumno ta inicia nan studiamiento pa e siguiente dia di CP.
- Durante e periodo di CP/SE, tur regla di scol ta keda valido. Principalmente e reglanan relaciona cu bistimento di uniform.
- Si e alumno ta ausente durante e periodo di CP mester haci lo siguiente:
 - E mayornan ta raporta nan yiu malo prome cu 8:00 am, door di yama scol of door di yena e formulario riba e website: bit.ly/ziekmal
 - E alumno ta raporta fisicamente na Medwork prome cu 10:00am.
 - Unabes bek na scol, e alumno ta entrega e carta di Medwork na secretariado di scol.
 - Si no tin motibo valido pa ausencia, e alumno ta haya e cifra 1 pa e CP cu e no a traha.

Dianan di inhaal di CP

Esnan cu pa motibo valido no a traha CP durante e siman di CP/SE, por traha e inhaal CP despues di a entrega e carta di Medwork. E dianan di inhaal CP ta para riba e rooster. Esun di SE ta den e buki di SE. E inhaal CP/SE ta tuma lugar despues di scol. Pa participa na e inhaal, e alumno mester ta na scol den dia y a sigui tur su lesnan segun rooster riba e dia di inhaal.

Procedura di Medwork

Medwork ta aplica e siguiente procedura:

1. E alumnonan cu pa motibo di enfermedad ta haya nan stroba di participa na un CP, mester raporta fisicamente e mesun dia, entre 8.00 y 10.00am na Medwork.
2. Bistimento di tapaboca ta opcional, solamente si e alumno no tin sintoma di griep.
3. E costo di e consulta na Medwork ta **Afls. 35.00** y tin cu ta paga door di e alumno of un mayor/cuidado. Tin un mashin di ATM na tur dos locacion, pero por paga cash tambe.
4. Na e cita, e estudiante mester bin cu un ID valido of e carnet di scol.
5. Medwork Caribbean N.V. no lo sumistra niun informacion tocante e alumnonan na tercer persona.
6. Despues di control, e alumno lo haya un declaracion firma di e dokter di Medwork Caribbean N.V, cu a control'e, den unda ta indica si:
 - e alumno pa motibo di e enfermedad por participa na CP of no;
 - e duracion di e malestar.

Medwork su localidadnan ta na Tanki Flip y San Nicolas (Bernhardstraat 101)

Distribucion di rapport 1

Via mail lo manda awe tur rapport di periodo 1 digital, tanto pa mayor (nan)/cuidado (nan) como pa alumno. Si no a ricibi e rapport, tuma contacto cu e mentor.

Ultimo dianan di scol di aña 2023

E aña escolar aki a logra pa tur jaarlaag organisa un celebracion di Pasco, diamars 19 di december, e ultimo dia di scol prome cu vakantie. E celebracionnan ta tuma luga na diferente hotel. E preparacionnan ta tumando luga y ta premira di bira celebracionnan bunita. Pa e alumnonan cu no lo asisti a organisa na scol un programa pa nan di 8.00am te 11.00am. Ta spera e alumnonan aki den lokaal 17. Esaki ta conta tambe pa e alumnonan di Ciclo Basico. E localidad di Emma ta cera riba 19 di december. Dialuna, 18 di december ta e ultimo dia di les di aña 2023. Riba e dia ey tur les lo sigui conforme rooster. Nos ta spera di tin un bunita clausura di aña 2023.

Spirit Week

E Spirit Week ta te cu awo un gran exito. Nos alumnonan a demostra durante e siman aki di ta hopi creativo. Dialuna venidero ta e ultimo dia di Spirit Week. E tema di e dia ey ta 'Christmas Morning'. Alumnonan por bisti e dia ey pa bin scol carson di piyama of sweatpants. Pa e resto di vestuario ta sigui cu e codigo di bistimento. Den otro palabra, e alumnonan mester tin uniform visibel y sapato adecua bisti. Pa awe a tolera cu e alumnonan no a bisti nan uniform, pero dialuna lo controla severamente.

Normanan di cellular

Recientemente tur lokaal a haya tas pa carga cellular. Despues di un periodo di prueba, lo inicia desde 1 di januari 2024 cu un regla nobo tocante di uzo di cellular den klas. Pa resumi, esaki ta nifica cu e uzo di dispositivo ta permiti solamente ora ta beneficia enseñansa. Na tur otro momento, e tas pa carga cellular ta e luga adecua pa cellular. Detayenan di e regla aki por haya den anexo 3 y riba nos website.

Ta busca famia anfitrión

Actualmente nos ta forma parti di un proyecto di intercambio internacional Erasmus+, yama 'Deplastify the Planet'. Alumnonan di nos scol ya a bay Austria, Croacia, Portugal y Spaña cu e proyecto. Den transcurso di aña 2024 tin ainda un biahe pa Belgica riba programa.

Na januari 2024 nos lo ta anfitrión pa alumnonan internacional di e paisnan aki. E alumnonan den cuestion tin 13 te 16 aña.

Pa e programa aki ta un éxito, nos ta buscando algun famia cu ta dispuesto di ofrece hospedahe na un of mas alumno internacional pa un siman.

Meta ta pa ofrece nan un experiencia autentico cerca un famia y pa favorece e intercambio cultural. E compromiso ta pa e periodo di 29 di januari te cu 5 di februari. E famianan anfitrión ta percursa pa alohamento, transporte y cuminda mientras cu scol ta encarga di e actividadnan durante e programa.

Si bo ta interesa den ofrece e experiencia valioso aki na un of mas alumno internacional y ta dispuesto pa ta un anfitrión, nos lo aprecia di haya sa esaki via erasmus.plus@colegioarubano.aw. Tambe pa otro pregunta tocante e proyecto por acudi na e adres aki.

Campaña di recaudacion un éxito grandi

E campaña di recaudacion di e último simannan tabata un éxito grandi. Fin di siman cu a pasa nos por a haci algun famia feliz cu saconan grandi di supermercado yena cu comestibel. Nos kier gradici inmensamente, tur hende cu e haci donacion!

Den number di e personal completo di Colegio Arubano, mi kier desea tur hende un feliz vakantie di Pasco y un bon cambio di aña. Spera di wak bosu bek den bon salud na 2024.

Cu cordial saludo,



T.R. Croes M Ed
Rector



2



2

*Colegio Arubano
wenst u*

HELE FIJNE
FEESTDAGEN

4